

## **Avatangiisinik erseqqissaasumik nalunaarummut aammalu eqqakkanik passussinissamut pilersaarutitut suliaqarnissamut piumasagaatit**

Suliffeqarfiit qanoq innikkut avatangiisinik erseqqissaasumik nalunaarummik aammalu eqqakkanik passussinissamut pilersaarummik suliaqarnissaannik kiisalu paasissutissat suut ilaatinneqarnissaannik ilanngussatigut paasissutissiinissaq siunertaavoq.

### **A. Avatangiisinik erseqqissaasumik nalunaarut**

PCB, asbest aammalu aatsitassat oqimaatsut immikkut ukkataralugit, sanaartukkanik atortulersuutillu 1950-1977-ip nalaanni sanaartugaasunik, 200 m<sup>2</sup>-mit annertunerusunik imaluunniit 10 tons sinnerlugu annertunerusunik eqqakkanik pilersitsiviusunik isaterinnginnermi imaluunniit nutarterinnginnermi, eqqagassaqalersitsisoq avatangiisinik erseqqissaasumik nalunaarummik aammalu eqqakkanik passussinissamut pilersaarummik suliaqassaaq. Piumasagaat illunut 200 m<sup>2</sup> ataallugit annertussusilinnut aammalu ilaqtariit ataatsit marlulluunniit illuinut atuutinngilaq.

Sanaartukkanik 1. januar 2005 sioqqullugu sanaartugaasunik isaterinnginnermi imaluunniit nutarterinnginnermi, aatsitassat oqimaatsut immikkut ukkataralugit, eqqagassaqalersitsisoq avatangiisinik erseqqissaasumik nalunaarusiussaaq.

Avatangiisinik erseqqissaasumik nalunaarusiaq ukunannga paasissutissartaqassaaq:

- Illup sananeqarneranit oqaluttuassartamik nassuiaaneq.
- Illup sananeqaataasa suunerannik nassuiaaneq.
- Misissueqqissaarinerup inerneru.
- Inernernik sanilliussineq.

Aallarnisaataasumik nalunaarutip Qeqqata Kommunia, Teknikkeqarnermut Avatangiisinullu immikkoortortap nalileereerneru kingorna annertunerusumik misissugassanik tiguisoqarnissaanik piumasagaateqarsinnaavoq.

Isaterineq imaluunniit nutarterineq aallartinneqartinnagu, avatangiisinik erseqqissaasumik nalunaarut naammassineqassaaq kommunimullu akuerisassanngorlugu nassiunneqarluni.

### **B. Eqqakkanik passussinissamut pilersaarut**

Avatangiisinik erseqqissaasumik nalunaarusiamut ilanngullugu eqqakkanik passussinissamut pilersaarut ukunannga imaqartoq nassiunneqassaaq:

a) Eqqakkat assigiinngitsut tamaasa pillugit eqqakkanut sorlernut ilaasussatut immikkoortiterneqarnerat:

- PCB, asbest-ip aammalu aatsitassat oqimaatsut annertussusaannik uuttuineq, misissuinerit inernerit.
- PCB pineqartillugu illup eqqaani issumik annertunerusumik misissuisimasoqarneranik takussutissartaqassaaq.
- Eqqakkat annertussusaat.
- PCB, asbest aatsitassallu oqimaatsut annertussusaannut missiliugaq.
- Igitsinermit periusissaq, poortuutissaq assartuinerlu ilanngullugit.
- Isaterinermit imaluunniit nutarsaanermit atortut passunneqarnissaannut pilersaarut, tassunga ilanngullugu eqqakkat immikkoortiterneqarnissaannut periusissat.
- Issup suussusersinera aammalu issup passunneqarnissaannut pilersaarutit.

b) Sanaartornermit atortulersuutiniillu eqqakkat kommunimut tunniunneqarnissaannik nalunaaruteqarneq.

Isaterineq imaluunniit nutarterineq aallartinneqartinnagu, eqqakkanik passussinissamut pilersaarut naammassineqassaaq kommunimullu akuerisassanngorlugu nassiunneqarluni.

Isaterereernerup imaluunniit nutarterereernerup kingorna, eqqakkanik passussinissamut pilersaarut kommunimit akuersissutigineqarsimasoq naapertorlugu igitsisoqarsimaneranik uppersaataat Qeqqata Kommunian, Teknikkeqarnermut Avatangiisinullu immikkoortortamut eqqagassaqalersitsisumit nassiunneqassaaq.

### **C. Sullivinnut nakkutilliisoqarfimmut nalunaarutiginninneq**

Eqqakkat asbesteqarneranik paasinninnermi, Asbest pillugu Sullivinnut nakkutilliisoqarfiup nalunaarutaa nr. 133, 5. februar 2010-meersoq naapertorlugu eqqagassaqalersitsisoq Sullivinnut nakkutilliisoqarfimmut nalunaarutiginnissaaq.